



UNIVERSITÄTS-  
BIBLIOTHEK  
PADERBORN

## **Variorum In Europa Itinerum Deliciae**

**Chyträus, Nathan**

**[Herborn], 1599**

**VD16 C 2803**

Ariminensia. In Ariminum J. Cæsar Scaliger.

---

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)



## ARIMINENSIA.

IN ARIMINUM J. CÆSAR  
SCALIGER.

*Prisca fui quondam civilis meta furoris:  
Sed non fortuna meta futura fui.  
Non tum arma toga, non cessit laurea lingua.  
Cæsaris est facere, haud sub Cicerone loqui.*

## INSCRIPTIONES.

IN PUBLICI PALATII CAENACULO QUO-  
*dam, in parietibus circumquaq, historia depicta visun-  
tur, cum subjectis inscriptionibus.*

- I. Ariminum á Comitibus Herculis conditum.  
Cato de orig.
- II. Lucius Aufaponius bonus civis, deduxit colo-  
niam Ariminum.
- III. Annibale victore, Imperium populi Rom. stetit  
Ariminensium subsidio, inter xviii. Rom. colonias.
- IV. L. Sempronius Cos. compositis Siciliae rebus o-  
ram Italiae legens, Ariminum pervenit.
- V. C. Cæs. militibus præmissis, mulis ad vehiculū  
junctis, nondum die illucescente Ariminum occupavit.
- VI. Inter meliores, ditiores, pulciores Italiae civita-  
tes, Ariminū á iii. viris militibus in prædam concessum.
- VII. Augustus Cæsar, quó urbs facilius adiretur, A-  
rimino tenus Flaminiam munivit.
- VIII. Vespasianus & Titus Cæsares Arimini inve-  
nere, M. Aponium c. & L. Tertalam cxxxvii. annos  
vixisse.
- IX. In Ariminensi agro, in villa Galerii, loquutus  
est gallus gallinaceus.
- X. Concilium, cui beatus Hieronymus interfuit,  
Arimini est celebratum.

xi. Arimi-



XI. Ariminum á Gothis obsessum, per Bellisarium & Narsetem Duces Justiniani liberatum.

## ALIA VETUS INSCRIPTIO.

Cajus Marius Cos. VII. Pater Trib. Pleb. Q. August. Tribunus militum. Extra sortem bellum cum Jugurtha Rege Numidiæ postquam gessit, eum cepit, triumphans in secundo consulatu ante currum suum duci iussit. Tertium consul absens creatus est. I v. Consul Teutonorum delevit exercitum. v. Consul Cimbro fudit; ex illis & Teutonorum iterum triumphans, Remp. turbatam seditionibus Trib. Pl. & Prætorum, qui armati Capitolium occupaverant, VI. Consul vindicavit. Post LXX. annum patria per arma civilia pulsus, armis restitutus, VII. Cos. factus est. De manubiis Cimbricis & Teutonicis ædem Honori & Virtuti victor fecit. veste triumphali, calceis patriciis, &c.

## IBIDEM.

Q. F. Maximus Dictator, bis Cos. v. Censor. Sacrorum II. Æd. Cur. Q. II. Tr. Militum. II. Pont. Augur. Primo consulatu Ligures subegit, ex iis triumphavit tertio & quarto. Hannibalem compluribus victoriis ferocem subsequendo coercuit. Magistro equitum Minutio, cujus populus imperium cum Dictatoris imperio æquaverat, exercitu profligato subvenit, & eo nomine ab exercitu Minutiano pater patriæ appellatus est. Consul v. Tarentum cepit, triumphavit. Dux ætatis suæ cautissimus, & rei militaris peritissimus habitus est. Princeps in Senatu duobus lustris lectus est.

## AD FRANCISCI.

Sigismundus Pandulfus Malatesta Pandulfi F. ingen-  
tibus meritis, probitatis, fortitudinis, generi suo, majori-  
bus posterisque;

*Sum Sigismundi Malatesta é sanguine gentis  
Pandulfus genitor, patria Flaminia est.*

## FONTIS.

Pauli III. P. M. munus.



## TUMULUS

THEMISTII BIZANTINI, Philosophorum  
sua tempestate principis; reliquum Sigif. Pandulfus Ma-  
latesta, Pand. F. belli Pelopon. adversus Turcarum regem  
Imp. ob ingentem eruditorum, quo flagrat, amorem, huc  
adferendum, introq; mittendū curavit. M. CCCC. LXV.

## INSCRIPTIO AD RUBICONEM FL.

Jussu mandatūve P. R. Cos. Imp. Trib. mil. Tiro,  
commilito armate, quisquis es, manipulariēve centu-  
rio, turmæve legionarie, hîc sistito, vexillum finito, ar-  
ma deponito, nec citra hunc amnem Rubiconem signa,  
arma, exercitum, commearūve traducito. Si quis er-  
go hujuse jussionis adversus præcepta fecerit; adjudi-  
catus esto hostis P. R. ac si contra patriam arma tulerit,  
penatesq; é sacris penetralibus asportaverit. Sanctio ple-  
bisciti Senatūve consulti. Ultra hos fines arma ac signa  
proferre liceat nemini. S. P. Q. R.

## IN TEMPLO MALATESTARUM.

Σιγίσμενδ<sup>Θ</sup> πανδ'έλφ<sup>Θ</sup> μαλτέσας, πανδ'έλφ<sup>Θ</sup>,  
πλείσων τε κ' μεγίστων κινδύνων κ' τ' ἰταλικῆ\* πόλεμον  
ᾤσωθεὶς νικηφόρ<sup>Θ</sup>, ὑπὸ τῆς ἐπιστολῆς περὶ χθόντων ἀν-  
δρείας καὶ δ' τυχεῶς Θεῶ ἀθανάτων, καὶ τῆς πόλεως, ὡς ἐν  
τῇ αὐτῇ ᾤσει ἀσει τυχεῶν, δ' ξάμεν<sup>Θ</sup>, μεγαλοπρεπῶς  
ἀναλώσας ἤγειρεν, καὶ μνήμα κατέλιπεν ὀνομαζόντων  
καὶ ὄσιον.

## FULGINIAE.

*Salve stella maris, lucens per secula cunctis.  
Qua geris in gremio qui Deus est & homo.*

## IN ADITU TEMPLI.

*Pulcrum fuit nasci, sed salubrius redimi.*

## ALIUD.

*Ad mortem properas, vel si hic paulum ipse moreris.  
Siste gradum, cceptum tutius ut sit iter.*

TINTIN